

Na osnovu člana 55. Statuta Općine Ilijaš, prečišćeni tekst ("Službene novine Kantona Sarajevo", broj: 20/09 i 46/18) i člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19), Općinsko vijeće Ilijaš na svojoj redovnoj 29. sjednici održanoj 27. marta 2019.godine, donijelo je:

ODLUKU
o davanju saglasnosti na
PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ"
za 2019.godinu

Član 1.

Daje se saglasnost na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2019. godinu, broj:07-II-03/2019 od 08.03.2019. godine, koji je sastavni dio ove Odluke.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____/19
Ilijaš, 27. mart 2019.godine

Predsjedavajuća
Općinskog vijeća Ilijaš

Alma Omerović

O b r a z l o ž e n j e:

Programom rada Općinskog vijeća Ilijaš za 2019. godinu u mjesecu martu planirano je donošenje Odluke o davanju saglasnosti na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2019. godinu.

Pravni osnov za donošenje Odluke o davanju saglasnosti na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2019. godinu nalazi se u članu 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09 i 46/18) kojim su definisane nadležnosti Općinskog vijeća i u članu 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19) kojim su definisani propisi koje donosi Općinsko vijeće.

U skladu sa članom 63. Pravila JAVNE USTANOVE "KULTURNO-SPORTSKI CENTAR I RADIO ILIJAŠ" :

"Ustanova redovno donosi Godišnji plan rada.

Nacrt Godišnjeg plana rada obrađuje direktor, predlaže Upravni odbor i usvaja Osnivač. Godišnjim planom rada obuhvaćaju se poslovi i zadaci za tekuću godinu, potrebni kadrovi, materijal i novčana sredstva, unaprijeđenje kvaliteta usluga, saradnja sa drugim subjektima, korisnicima usluga, osnivačem i regulišu druga pitanja kojima se pospješuje proces rada i pružanje usluga."

Predlagač Odluke je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10, 18/15 i 7/19/.

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Nosilac stručne obrade PLANA RADA JAVNE USTANOVE "KULTURNO-SPORTSKI CENTAR I RADIO ILIJAŠ" za 2019.godinu je Menadžment i Upravni odbor JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ.

Predlažemo Općinskom vijeću Ilijaš da Odluku o davanju saglasnosti na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" za 2019.godinu donese u dostavljenom tekstu.



JU «KULTURNO SPORTSKI CENTAR I RADIO ILIJAŠ»

ul. Hašima Spahića 23, 71380 ILIJAŠ

tel. 033 400 800, tel./fax: 033 428 945

tr. rn. 1602000000350581, Vakufska banka dd Sarajevo

ID. broj: 4200455660002, PDV broj: 200455660002, por. broj: 01420015

e-mail: radioilijas@gmail.com

BROJ: 21/03/2019

ILIJAŠ: 11.03.2019.

mijen		12.03.2019	
Org. jedinica	0218-1	Red. broj	Broj priloga
01			

OPĆINA ILIJAŠ

Služba Općinskog vijeća

PREDMET: Dostava materijala za sjednicu Općinskog vijeća

Dostavljamo Vam Plan rada JU „KSC i RADIO ILIJAŠ“ za 2019. godinu, kako bi isti bio uvršten na martovsku sjednicu Općinskog vijeća što je predeviđeno programom rada.

S poštovanjem,

Dostavljeno:

1 x Služba Općinskog vijeća

1 x a/a



Direktor
Benis Fazlić

**JAVNA USTANOVA „KULTURNO – SPORTSKI CENTAR I RADIO ILIJAŠ“
ILIJAŠ**

**PLAN RADA JAVNE USTANOVE „KULTURNO-SPORTSKI CENTAR I RADIO
ILIJAŠ“ ZA 2019. GODINU**

Ilijaš, mart, 2019.

UVOD

Javna ustanova „KULTURNO-SPORTSKI CENTAR I RADIO ILIJAŠ“, je multidisciplinarna ustanova, te se finansira iz budžeta Općine Ilijaš, sredstava Kantona Sarajevo i vlastitih sredstava.

Svoje prve korake, KSC i RADIO ILIJAŠ, otpočeo je davne 1978. godine, kao Centar za kulturu i informisanje.

Danas, JU „KSC I RADIO ILIJAŠ“ raspolaže sa tri objekta:

- Glavnom zgradom, koja u svojoj strukturi ima Biblioteku, Kino salu i Radio Ilijaš;
- Sportsku dvoranu koja je počela sa radom 2006. godine;
- Infrastrukturnim objektima Antenski stub i kućica na lokaciji Karašnica

JU „KSC I RADIO ILIJAŠ“ je svih prethodnih godina, pored organizovanja brojnih koncerata raznih muzičkih žanrova, pozorišnih predstava, likovnih izložbi, promocija knjiga, filmskih produkcija, edukativnih radionica, općinskih manifestacija, svoj sadržaj proširila i na organizaciju sedmodnevne manifestacije kulture, sporta i trgovine „Ilijaški dani“.

Na ovaj način omogućeno je svim sportskim klubovima i udruženjima da kvalitetno obavljaju svoje aktivnosti i time postao vodeći centar za većinu kulturno-sportskih, edukativnih i ostalih društvenih zbivanja na području općine Ilijaš.

U svrhu pružanja što boljih usluga našim korisnicima i građanima Općine Ilijaš, menadžment i uposlenici JU „KSC I RADIO ILIJAŠ“ nastojat će da i u 2019. godini pruže kvalitetnu uslugu svim korisnicima naših usluga.

PLANOVI ZA 2019. GODINU

KULTURA

„Nisu ljudi stvorili kulturu, kultura je stvorila ljude“. Citirana rečenica nam mora davati podstrek da što više ulažemo u kulturu i u tom pravcu utičemo na mlade generacije.

Organizujući kulturne događaje, moramo primjetiti da interes zna biti jako slab, pa čak i nikakav.

Nerijetko smo bili u prilici, zbog loše posjete, odgoditi već planirane kulturne aktivnosti a razlog je nedostatak interesa, posebno kada je riječ o komercijalnim događajima.

Sve gore navedeno ukazuje da više pažnje moramo posvetiti mlađim generacijama kako bi kod njih razvili interes za knjigu, pozorište, film i umjetnost uopšte.

Jedan od projekata koji bi mogao doprinijeti većem interesu je i ŠKOLA GLUME, koju bi mogli realizirati u suradnji sa školama već ove godine.

JU „KSC I RADIO ILIJAŠ“ je glavni nosilac organiziranja Manifestacije ILIJAŠKI DANI, koja mora potpuno promijeniti svoj koncept.

Očekujemo da se ove godine zbog novoizgrađenog trga napravi potpuna reorganizacija Manifestacije, da se preferiraju kulturni i sportski sadržaji, a trgovina potpuno eliminiše.

Za realizaciju ovakvog koncepta potrebno je donijeti odluku o skraćivanju Manifestacije na manji broj dana koji će biti ispunjeni kvalitetnim kulturnim i sportskim sadržajima financiranim iz budžeta.

Pored kulturnih događaja kojih sigurno manjka i moraju biti češći ostaje rješavanje tehničkih nedostataka (rasvjeta i adekvatno ozvučenje).

Trajni zadatak ove Ustanove je organizovanje kulturnih sadržaja, što češće, pri čemu nesmiye biti zanemaren kvalitet kao i edukativni karakter.

Saradnja sa pozorišnim kućama, školama i drugim ustanovama čiji zadatak je afirmacija kulture i kulturnih vrijednosti, ostaje naš stalni zadatak i cilj.

Naša nastojanja da se „veliki“, događaji poput Sarajevske zime, Sarajevo Film Festivala, Festivala malih i eksperimentalnih scena i slično konačno počnu realizirati u našem gradu još uvijek su bez rezultata, jer veliki projekti zahtijevaju više novca koje Ustanova nemože izdvojiti te je nužno uključiti i druge koji mogu dati svoj doprinos.

Odgovorni moraju shvatiti da je novac uložen u kulturu poticaj razvoju duhovnih vrijednosti koje nas određuju u nacionalnom smislu.

PLAN RADA SPORTSKE DVORANE U 2019. GODINI

Sportska dvorana, koja je počela sa radom 2006. godine, raditi će na omogućavanju kvalitetnijih uslova za rad svih sportskih klubova i kolektiva, udruženja, škola ali i pojedinaca sa područja općine Ilijaš i tokom 2019. godine. Kao i prethodne godine, očekujemo da se većina sportskih, kulturnih i edukativnih aktivnosti te događaja sa područja općine Ilijaš realizuje u prostornim kapacitetima sportske dvorane, budući da je tokom prethodne godine realizovano VIŠE OD 1.500 besplatnih termina za naše korisnike, što svjedoči o uspješnoj saradnji Ustanove sa sportskim kolektivima i udruženjima.

JU „KSC I RADIO ILIJAŠ“ i dalje će pružati punu podršku u realizaciji svih kulturno-sportskih i edukativnih dešavanja u našem gradu. Planiramo nastaviti saradnju i sa SŠC „Nedžad Ibrišimović“ i OŠ „Hašim Spahić“. Kolektiv JU „KSC I RADIO ILIJAŠ“ u prethodnim godinama uložio je maksimalne napore u rješavanju problema zagrijavanja dvorane, kako bismo našim korisnicima pružili što kvalitetniju uslugu.

Osnovni zadatak ove Ustanove je da pod opštim uslovima omogućava korisnicima:

- održavanje treninga i utakmica
- održavanje rekreacije
- održavanje manifestacija raznih vidova

Planirano je pružanje usluga takmičarskom i rekreativnom sportu, kao i pružanje usluga vrhunskom sportu usklađenim sa planiranim budžetskim sredstvima za treninge klubova.

U 2019. godini planira se omogućavanje korištenja kapaciteta sportske dvorane za sljedeće potrebe: klubovima iz organizovanog sistema takmičenja; svim reprezentativnim selekcijama; organizacijama rekreativaca organizovanim u raznim ligama, finalnim školskim takmičenjima; studentskim sportskim igrama, školama fudbala, košarke, odbojke, borilačkih i drugih sportova.

PLAN RADA BIBLIOTEKE ZA 2019. GODINU

U toku 2019. godine uz redovne poslove koje obavljamo, planiramo intenzivno raditi u više pravaca:

1. Nastaviti sa digitalnom obradom publikacija
2. Nabavka većeg broja bibliotečkih jedinica
3. Nabavka još dvije police za smještaj knjiga
4. Formiranje književnih radionica za djecu
5. Organizovanje većeg broja promocija knjiga
5. Uspostaviti bibliotečku razmjenu sa bibliotekama u okruženju
6. Posjete sajmovima knjiga i bibliotečkim radionicama

U toku protekle dvije godine uspjeli smo preinventarisati I nanovo inventarisati oko 8.500 knjiga. Cijenimo da ćemo uz inventarisanje novonabavljenih knjiga uspjeti preinventarisati bar većinu od postojećeg fonda biblioteke i tako digitalno obraditi skoro cijeli bibliotečki fond. Osim što ćemo tako imati uvid u stanje bibliotečkog fonda i aktivnosti čitalaca, imat ćemo I spremnu bazu podataka za eventualni ulazak u system Cobiss-a, što bi za našu biblioteku bio izuzetan uspjeh.

Iako za nabavku knjiga novca uvijek nedostaje, uspjeli smo u toku prošle godine nabaviti neophodne knjige za učeničke lektire i solidan broj novije beletristike, čime smo zadovoljni, ali s obzirom na evidentno povećanje broja čitalaca i istovremeno povećanje potreba čitalaca, moramo naći načina da u toku 2019. godine nabavimo još veći broj knjiga. Cijenimo da bi realan broj bio oko 800 novih jedinica, što bi u odnosu na prošlu godinu bilo povećanje za nekih 20 ili 25 procenata.

Povećanje broja knjiga iziskuje i povećanje kapaciteta za njihov smještaj, te ćemo veoma brzo biti primorani nabavljati nove police, pogotovo ako se zna da i pored nabavke polica u prošloj godini, već sada imamo problem sa smještanjem novih naslova. Za sada nam je rješenje nabavka zidnih i malih pokretnih polica jer za klasične police više nema prostora. Prema dosadašnjoj dinamici nabavke novih knjiga, biblioteka bi za 2 – 3 godine mogla ostati bez prostora za smještaj publikacija I cijenimo da je vrijeme da se već sada razmišlja o rješenjima.

Prošlogodišnji projekt "Tu, gdje rodih se" pokazao je da među ilijaškim osnovcima ima interesovanja i za čitanje i za pisanje, te cijenimo da će jedna radionica za učenike nižih razreda dodatno povećati interesovanje najmlađih za knjigom, pogotovo ako se takva aktivnost organizuje kroz igru, zabavu i takmičenja.

Već za proljeće 2019. godine imamo dogovorene tri promocije knjiga, što je već sada garant da ćemo ih za cijelu godinu imati znatno više nego u protekloj. Imamo obećanja još nekih autora da bi promociju njihovih književnih ostvarenja mogli upriličiti u našem gradu.

Posjete sajmovima knjiga su već stalna praksa u našem radu, kao i pratećim sadržajima koji idu uz sajmove, kao što su promocije, panel diskusije, seminari... Očekujemo da ove godine ponovo bude organizovan seminar za bibliotekare iz cijele BiH i učešće na istom, nećemo propustiti.

PLAN RADA RADIO ILIJAŠA ZA 2019. GODINU

Radio Ilijaš radi po sistemu 12 sati dnevno svakog dana u godini, što je za godišnje 365 dana 4380 sati programa. Većina programa je vlastita produkcija, sati jutarnjeg programa, jednosatne informativne dnevne i sedmične emisije, prilozi kao i autorske sedmične emisije. Uredničko vijeće Radio Ilijaša sastavljeno od pet članova usvaja programsku shemu i predlaže ideje za poboljšanje kvaliteta i sadržaja programa, koje uredništvo i redakcija uvijek poštuje. Na januarskoj sjednici usvojena je nova programska shema po kojoj se radi od početka januara 2019. godine. Shema je dostupna na web stranici Radio Ilijaša.

Radio Ilijaš će kvalitetno i profesionalno realizovati programske sadržaje predviđene pravima i obavezama vezanim za korištenje sredstava budžeta, opredijeljenih za proizvodnju i emitovanje određenih programskih sadržaja Lokalnog javnog medija u 2019. godini. Pored ovih programskih sadržaja Radio će i dalje prenositi sjednice Općinskog vijeća i pratiti aktivnosti Općine Ilijaš i općinskih organa kroz svoje programske sadržaje i pružati usluge prenosa sadržaja na web stranici.

Tokom 2019. godine program " " će se realizovati prema sljedećim programskim shemama i to:

Shema 1. –Januar-Juni 2019.

Shema 2. Juni-Septembar-Ljetna shema

Shema 3.-Septembar-Decembar

Vikend programska shema (subotom i nedjeljom) je "relaksirana" od programskih sadržaja tipa "dnevna autorska emisija", ili kao što je glavna dnevna informativna emisija

”Ilijaške aktuelnosti”. Slušateljima se u toku vikenda, uz info blokove i emisije, servira više muzičkog i programa zabavnog karaktera. Tokom novogodišnjih, državnih i vjerskih praznika, programska shema će se prilagoditi u informativnom, muzičkom i dijelu koji se odnosi na dnevne autorske emisije. U danima praznika, reducira se broj govornih emisija i ”živi” program uopšte, a informativni blokovi se snimaju i emituju više puta u ostatku programa. Takođe, za vrijeme praznika, određuju se dežurstva za novinara i tonskog urednika, koji su nakon radnog angažovanja toga dana u pripravnosti i u slučaju potrebe obavezni da se vrate u studio. Tri sheme rada predlaže urednik Uredničkom vijeću, koje ih odobrava, uz uvijek dobrodošle konstruktivne kritike. Tokom 2019. godine u programu Radio Ilijaša bit će zastupljeni brojni i raznovrsni sadržaji. Autorskim emisijama, kao i informativnim, tematskim, zabavnim i muzičkim programom (također u domenu, duhu i u skladu sa misijom i ulogom lokalnog javnog emitera), direktnim prenosom zasijedanja lokalnog vijeća i programskim sadržajima emitovanim kroz posebne emisije, kao doprinos praćenju i afirmaciji brojnih kulturnih događaja pridržavajući se pritom zakonskih obaveza u ostvarivanju općeg interesa, prava i obaveza u informisanju u skladu sa profesionalnim standardima i Kodeksom novinara i pravilima RAK-a.

Digitalna transformacija je imperativ održivosti svih 'tradicionalnih' medija - to nije prognoza nego činjenica. Ona se, naime, na svjetskom nivou već dogodila, pa svako odgađanje zapravo znači zaostajanje. Širenje sadržaja na društvene mreže, prisutnost kroz mobilne aplikacije, stvaranje podcasta kroz platforme kao što je Audable - Amazonov svojevrsni radijski Netflix - fokusiranost na lokalni i 'community' sadržaj kroz online radijske servise su trendovi kojima se radijske stanice jednostavno moraju prilagoditi, stavovi su stručnjaka s kojima se slažu svi urednici radio stanica.

Radio je prvi medij na kojem će se tražiti informacija o lokalnim zbivanjima, pokazalo se to već na Radio Ilijašu ovog januara kada smo zbog neočišćenih puteva znali dnevno primati po 50 poziva i nekoliko upita slušatelja i čitatelja. Lokalna radio stanica i opstaje jer ima lokalni karakter i služi kao radio lokalne zajednice, radio svih građana zajednice od Rakove Noge, Gajina, do Lješeva i ostalih granica sa susjednim gradovima. Stoga odmah od ovog proljeća krećemo sa realizacijom reportažnih emisija „Radio Ilijaš na sijelu u vašem selu“ predstavljamo zanimljive ljude, priče i mjesta naše lijepe teritorijalno razučene i zato osebuje općine.

**PLAN AKTIVNOSTI PORED REDOVNOG PRAĆENJA DOGAĐAJA I
REALIZACIJE PROGRAMSKE SHEME**

MJESEC	AKTIVNOST
JANUAR	Početak realizacije nove sheme
FEBRUAR	posebni programski segmenti vezani za Dan Općine i reintegracije općine Ilijaš
MART	Posebni programi vezani za Dan nezavisnosti i osmi mart, realizacija emisija Radio Ilijaš na sijelu u Vašem selu
APRIL	Uskra, Vaskr, planiranje Ramazanskog programa
MAJ	Ramazanski program, nagradne igre
JUNI	Bajramski program, Bajramsko veče, godišnjice stradanja stanovništva, Dan šehida
JULI	Manifestacija „Ilijaški dani“, 11. juli
AVGUST	Planiranje nove programske sheme i istraživanje interesovanja slušatelja Bajramski program
SEPTEMBAR	Nova programska shema
OKTOBAR	Nova tehnička oprema –kupovina kompjutera i namještaja
NOVEMBAR	Nove nagradne igre i više programa za djecu
DECEMBAR	Edukacija i obavezni treninzi za novinare

Muzičke minute ono su što publika od radija najprije očekuje, pokazala je nedavna Ipsosova analiza i tu Radio Ilijaš istančanim odabirom i velikom pažnjom zadovoljava potrebe svog auditorija . Na drugom je mjestu informativni program, a ono što ispitanim slušateljima radija možda nedostaje su tematske emisije – najprije one vezane za zdravlje, a onda sport i emisije o ljudskim pravima. Te teme nastojimo opširnije obrađivati u 2019. godini. Slušatelji će govorne emisije bez prekida slušati maksimalno 30, a najčešće ne duže od deset minuta, otkrivaju istraživanja. Cijela se uređivačka politika formatiranog radija temelji upravo na takvim istraživanjima želja slušatelja. Od playliste do voditelja koji će nuditi kratke servisne informacije i uspjeti im se najviše približiti. Slušatelji Radio Ilijašu vjeruju, nisu nikada čuli neistinitu vijest od radijskih novinara. Radio je najintimniji medij, ima i najizravniji kontakt s publikom, nije nametljiv i može biti u pozadini brojnih svakodnevnih aktivnosti, što mu omogućava nastavak rada i svjedoči da ga internet i novi mediji nisu potisnuli, nego da im se radio uspješno prilagodio.

FINANSIJSKI PLAN
JU KSC I RADIO ILIJAŠ ZA 2019. GODINU

R/B	VRSTA PRIHODA	PLAN 2018.	IZVRŠENJE 2018	PLAN 2019	Index	
					3/5	4/5
1	2	3	4	5	6	7
	I PRIHODI IZ BUDŽETA					
1.	Tekući transfer iz Budžeta Općine Iljaš	270.000	270.850	300.000	111%	111%
2.	Tekući transfer iz Budžeta Kantona Sarajevo	20.000	19.510	25.000	125%	128%
3.	Kapitalni transferi iz Budžeta Općine	35.000	28.535	0	0%	0%
4.	Projekti i programi	20.000	16.840	20.000	100%	119%
	UKUPNO (PRIHODI IZ BUDŽETA) :	345.000	335.735	345.000	100%	103%
	II VLASTITI PRIHODI					
1.	Prihodi od članarine - biblioteka	2.000	1.470	2.000	100%	136%
2.	Prihodi sportske dvorane	30.000	17.251	25.000	83%	145%
3.	Prihod kino sala	2.000	1.610	2.000	100%	124%
4.	Prihod od marketinga	25.000	25.651	30.000	120%	117%
5.	Prihod od zakupnina	90.000	92.842	90.000	100%	97%
6.	Ostali prihodi	2.000	0	2.000	100%	0%
	UKUPNO (VLASTITI PRIHODI) :	151.000	138.824	151.000	100%	109%

I PRIHODI IZ BUDŽETA	345.000	335.735	345.000	100%	103%
II VLASTITI PRIHODI	151.000	138.824	151.000	100%	109%
SVEUKUPNO PRIHODI	496.000	474.559	496.000	100%	105%

R/B	VRSTA RASHODA	PLAN 2018.	IZVRŠENJE 2018	PLAN 2019	Index	
					3/5	4/5
1	2	3	4	5	6	7
1	Bruto plate	275.000	270.882	275.000	100%	102%
2	Naknade iz radnog odnosa - topli obrok	25.000	25.664	27.000	104%	105%
3	Naknade za prijevoz na posao	4.500	4.218	5.000	111%	119%
4	Doprinosi na teret poslodavca	30.000	28.347	30.000	100%	106%
5	Naknade po osnovu regresa, bolesti i smrti	8.000	5.920	7.500	94%	127%
6	Naknade članovima upravnih i nadzornih odbora	9.500	5.760	8.500	89%	148%
7	Izdaci za druge samostalne djelatnosti i povremen	8.000	5.290	6.000	75%	113%
8	Izdaci za poreze i doprinose od druge samostalne	2.000	2.223	2.000	100%	90%
9	Posbna naknada na dohodak za zaštitu od prirodni	2.000	909	2.000	100%	220%
10	Izdaci za kancelarijski mat. i mat. za održavanje	4.000	2.798	4.000	100%	143%
11	Nabavka knjiga za biblioteku	5.000	3.766	5.000	100%	133%
12	Računovodstvene usluge	4.000	2.992	4.000	100%	134%
13	Ostale ugovorene usluge	5.000	7.229	5.000	100%	69%
14	Usluge osiguranja imovine i uposlenika	5.000	4.875	5.000	100%	103%
15	Troškovi goriva i prijevozne usluge	3.000	2.937	5.000	167%	170%
16	Izdaci za električnu energiju	20.000	16.075	20.000	100%	124%
17	Izdaci za centralno grijanje	45.000	44.666	45.000	100%	101%
18	Izdaci za vodu i kanalizaciju	2.000	3.374	2.000	100%	59%
19	Izdaci za telefonske usluge	5.000	3.075	5.000	100%	163%
20	Izdaci za usluge Interneta	1.000	776	1.000	100%	129%
21	Usluge reprezentacije	3.000	3.913	2.000	67%	51%
22	Troškovi usluga platnog prometa i poštanske uslug	1.500	1.455	2.000	133%	137%
23	Troškovi unajmljivanja imovine i opreme	10.000	9.944	10.000	100%	101%
24	Ostale naknade i takse	250	2	500	200%	25000%
25	Ostali sitnog inventara	250	537	0	0%	0%
26	Troškovi reklamiranja i oglašavanja	2.000	1.710	2.000	100%	117%

27	Izdaci za tekuće i održavanje opreme	5.000	5.129	5.000	100%	97%
28	Izdaci za tekuće održavanje zgrada	5.000	17.716	5.500	110%	31%
29	Naknade po osnovu dozvola regulatornih agencija	5.000	2.320	5.000	100%	216%
UKUPNO :		496.000	484.502	496.000	100%	102%

Prijedlog plana i programa rada sa finansijskim planom dostavlja se Nadzornom i Upravnom odboru na razmatranje i upućivanje na dalju proceduru prema Općinskom vijeću.

Iljaš, mart 2019. godine



Direktor

Boris Fazlić

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
JU „KULTURNO-SPORTSKI CENTAR I RADIO ILIJAŠ“

-UPRAVNI ODBOR-

Broj: 07-IF-03/2019
Ilijaš: 08.03.2019

Na osnovu člana 27. Uredbe sa zakonskom snagom o ustanovama („Službeni list R BiH“, broj: 6/92,8/93, i 13/94), člana 13. Odluke o o osnivanju JU „KULTURNO-SPORTSKI CENTAR I RADIO ILIJAŠ“ (Službene novine Kanton Sarajevo , broj: 2/00 i 18/10), člana 63. Pravila JU „KULTURNO-SPORTSKI CENTAR I RADIO ILIJAŠ“, Upravni odbor na svojoj redovnoj sjednici održanoj 08.03.2019. godine donio:

ODLUKU

o utvrđivanju prijedloga PLANA RADA JU „KULTURNO-SPORTSKI CENTAR I RADIO ILIJAŠ“ za 2019. god.

Član 1.

Utvrđuje se prijedlog PLANA RADA JU „KULTURNO-SPORTSKI CENTAR I RADIO ILIJAŠ“ za 2019. god., koji je sastavni dio ove odluke.

Član 2.

Ova Odluka stupa na snagu danom donošenja.



Za Predsjednika Upravnog odbora

Fadila Fazlić

Fazlić, F. 21.0

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
JU „KULTURNO-SPORTSKI CENTAR I RADIO ILIJAŠ“

-NADZORNI ODBOR-

Broj: 08-11-03/2019
Ilijaš: 08.03.2019

Na osnovu člana 27. Uredbe sa zakonskom snagom o ustanovama („Službeni list R BiH“, broj: 6/92,8/93, i 13/94), člana 13. Odluke o o osnivanju JU „KULTURNO-SPORTSKI CENTAR I RADIO ILIJAŠ“ (Službene novine Kanton Sarajevo , broj: 2/00 i 18/10), člana 63. Pravila JU „KULTURNO-SPORTSKI CENTAR I RADIO ILIJAŠ“, Nadzorni odbor na svojoj redovnoj sjednici održanoj 08.03.2019. godine donio:

ODLUKU

o utvrđivanju prijedloga PLANA RADA JU „KULTURNO-SPORTSKI CENTAR I RADIO ILIJAŠ“ za 2019. god.

Član 1.

Utvrđuje se prijedlog PLANA RADA JU „KULTURNO-SPORTSKI CENTAR I RADIO ILIJAŠ“ za 2019. god., koji je sastavni dio ove odluke.

Član 2.

Ova Odluka stupa na snagu danom donošenja.



Predsjednica Nadzornog odbora

Aida Muratović

Aida Muratović